

豐城縣志卷之九

列傳一 目錄名宦



晉

雷煥

唐

柳渾

南唐

馮儀

宋

袁逢吉 程璠 宋咸 劉韜 楊告

豐城縣志

卷九

名宦

解禧 胡璉 劉卿月

元

賈全 夏益朝 叙兀兒 陳元凱 高復禮

完顏鐸 買歌畏 阿刺威 毛鐸

明

林弼 史彬 何昭善 王英 尙禱

李廷聰 黃燧 劉璠 何洽 陸文博

朱諫 吳嘉聰 顧佖 潘穎 柴璘

鄭嘉 周鳴鶴 商大節 韓弼 王天性

曹大川 顧九思 吳達可 湯兆京 徐揚先

張昌辰 馮起綸 謝文龍 孫應嶽 徐際旦

國朝

何士錦 周光斗 王履仁 周尙中 劉象賢

高尙禮 滿岱 于崇敕

豐城縣志卷之九

列傳一

名宦

晉

雷煥字孔章豫章人妙達象緯張華薦補豐城令至縣掘  
獄基入地四丈餘得古劍二豐名宦可紀自煥始

唐

柳渾字惟深襄州人先為永豐令有成績觀察使表為豐  
城令政如永豐後拜平章事封宜城伯

南唐

豐城縣志

卷九

名宦

馮儀豐城令性廉明撫民有方有田父詣求決事凌晨飯  
蕨稍饑至食肆求麪久不至乃去肆家堅索值不與訟  
於縣儀飲以茶而密置桐油其中田父盡吐所食惟蕨  
耳肆家乃伏罪

宋

袁逢吉字延之鄆陵人進士為清江尉知州王明薦其能  
任豐城知縣明年轉運使條上治狀以春秋博士召累  
官至鴻臚少卿據宋史補

程璠字仲韞明道先生諸父令豐城適水環城人大饑邑  
豪吳氏藏粟閉糶璠召諭不從謂曰民饑且死令亦不

敢自保祿位當杖爾取之吳大懼於是富人爭出粟民賴以濟璠資識過人凡山川道途人民姓字一見閱年久不忘爲令三年識其民且半矣

宋咸字貫之天聖進士任豐城尉晝治夜計推行彌密公暇且勤學好吟咏有劍池識方遊景文爲之序

劉韜字仲偃一字夢哀建之崇安人宋元祐進士紹聖時爲豐城尉屬歲饑多盜他邑率以捕殺希賞韜曰此饑民救死爾率豪右出穀賑濟躬自收卹多所全活官至資政殿學士使金不屈死諡忠顯

楊告字道之漢州綿竹人同學究出身調廬江尉改豐城

豐城縣志

卷九

名宦

二

主簿邑有賊殺人投屍於江人知主名畏不敢言告聞親往擒賊有言賊欲報怨者告不爲動旣而乘夜欲刺告告捕得致於法境內肅然時號能吏仕至右諫議大夫

解禧字公和吉水人知豐城縣增築新堤水不爲災以薦擢知賀州陞辭陳二事曰君德曰役法朝論嘉之

胡璉字宗偉建安人紹興間爲豐城令築堤捍江六鄉皆免水患采輯邑志時以博雅稱嘗宏獎風流矜式多士特祀王季友於學東序

劉卿月字昇叟合沙人淳祐間宰豐城介潔簡易以辨名

分尚禮義謹教化爲先務至之日新南維門浚堙濠建  
栗社廣學校百廢具舉築堤五百丈至今賴之

元

賈全濮州甄城人宋德祐時隆興運判劉槃以城降元諭  
屬邑順附市民懼而徙者什九井邑蕭然明年元帥府  
鑄豐城縣印授全全爲政一本仁恕慰安撫恤民以還  
定未幾盜發臨撫越境驅掠全單騎往救得脫蹂躪者  
萬計南征師過境哨騎橫出全百方護衛居者安堵省  
徭役興學校民食其德建祠清都觀左以志遺愛

夏益朝字德全重慶籍宋咸淳進士元世祖初得江南用

豐城縣志

卷九

名宦

三

益朝爲富州教授月與諸士督課程較優劣立班次均  
勞逸上司嘉其才時徐汝士黃菊莊張異等皆出門下  
後先登科第嘗捐俸修葺學宮諸士貧不能娶與葬者  
捐助之當道廉其行屢薦館選力辭不就致仕畱家州  
之南巷與揭學士僎斯爲忘年交晚節益堅滅跡公室  
州守屢請詢民膜不赴家食二十餘年卒

從仕績移入

叛兀兒回回人豐城縣達魯花赤明恕廉介爲政有方嘗  
有軍人舟行過境死於盜事聞省路委同知鄭某會郭  
招討出捕郭欲盡屠濱江民兀兒曰吾檢覆知爲河寇  
民何與乃直前辨白謂不得請則將入奏郭歛兵去邑

四面皆水連歲增隄防民不告匱戶口日增陞縣爲州  
就授州達魯花赤興學崇化政教一新

陳元凱字時舉號損齋河東人豐城初升州元凱以行省  
郎中爲尹立紀綱崇教化經理學宮改鑄祭器公退卽  
單車詣學訓勉諸生從遺老講求民瘼一時善政翕然  
高復禮字仁卿河南人先以兵部侍郎使日本授中順大  
夫尹富州屏謝請謁戶庭闐然一小蒼頭給事左右而  
已其治獄如山公退閉戶讀書清儉自守餽粥外無異  
味始終如一以疾卒於官

完顏鐸字振之曹州人由隆興路同知除富州尹優于爲  
民  
治處僚案斷是非意見傑出改築公廳新文廟皆不煩

豐城縣志

卷九

各宦

四

買歌畏兀兒人富州達魯花赤嘗從學魯齋許公手不釋  
卷性簡直臨民不事鞭朴不以請囑易是非

阿刺威河西人大德初授武畧將軍富州達魯花赤州境  
歲受水患馬湖壩衝決損田四十頃刺威至築堤三百  
丈又修境內壞堤六十四處甃石禦衝水復故道歲有

秋

毛鐸字仲聲龍興人至正間行省署爲富州學正時土寇  
李明道集衆據州治脅爲從事鐸曰我故士人肯從爾

爲亂乎明道曰若屈膝于我富貴立致鐸抗色曰我寧折首斷不屈膝遂遇害

明

林弼字元愷福建龍溪人元進士任吏部主事洪武初奉使安南還任豐城知縣以文學飾政事孜孜愛民士民頌其德時比之卓魯云有文集

史彬字文質獲鹿人元進士明初由戶部郎中調富州吏目值流民嘯聚彬設方畧贊知州強立擒斬招降民得安修學校築隄墉以勤勞卒於官子孫遂家邑鄒著棋巷世爲豐人孫安傳見忠貞從仕績移入

豐城縣志

卷九

名宦

五

何昭善字憲章浙江淳安人洪武時由人材任豐城縣丞營繕公廨學舍橋梁堤墉多其經畫時稱良吏陞奉新知縣

王英字士傑浙江仁和人由監生知縣事守已廉靜平易近民以疾卒官江西按察使石璞特設奠爲文祭之尙禡字京福河南羅山人由進士授監察御史左遷豐城知縣剛毅敢爲不畏權勢時鎮守者恃恩恣橫假進貢名民不堪命多棄產以避其害獨縣賴禡不擾後陞廣

東僉事

李廷聰湖廣益陽人景泰舉人知縣事儆穎有治才成化

丙戌洪水衝石橋墻諸堤殆盡勸貲募力採石興工委  
主簿黃燧董其役指畫詳密卒成堅堤性坦易樂與民  
洽識縣民幾半見卽呼姓名無一訛者

黃燧直隸蠡縣人縣主簿督修石橋堤墻有方畧管轄人  
夫設立千百長各執旗號整整不亂董役合于治軍法  
時荷擔戴笠雜衆中察勤惰堤成爲久遠利燧居官不  
受民一錢諸勞役每以身先之

劉璲字士約湖廣麻城人由進士授豐城知縣臨政嚴明  
庭無私謁凡民間均徭徵銀等項以花欄票帖載數給  
民令依期執帖以輸吏胥里長不得乾沒縣給引錢每

豐城縣志

卷九

各宦

六

歲不下數千故人令私橐璲悉貯所有以築河堤任未  
久卒

何洽字允仁浙江富陽人由進士任閩藩照磨宏治間來  
知豐城縣首修學宮拓泮池創東西樓舍六十餘間造  
橋梁建亭館捐引鈔佐費築堤扞江躬督其役竟以剛  
直忤時去士林撫其善政十事歌咏之

陸文博平湖人國學生任豐城縣丞嘗督運采石中夜船  
忽漏文博具衣冠拜祝曰船中有一錢非法者請身葬  
江魚比曉起視則水草纏裹三魚塞漏處豐士大夫有  
三紀異以傳之七世孫隴其康熙進士爲廉吏名儒



朱諫字君佐浙江樂清人宏治進士知豐城縣修河堤百餘丈功立就歲旱率諸生父老撤蓋徒步詣壇禱雨隨至民德之

吳嘉聰字惟德山西鴈門人正德進士知縣事材宏而敏政尚寬平邑災燬千餘家捐俸賑之奉檄修築土墻民不擾而事集宸濠之變民賴捍禦巨寇徐九齡聚眾數千于建昌之醴源嘉聰從都御史余諫督兵討之獨帥驍勇深入其地擒斬賊首顏日和等二十餘人賊敗潰多其功云

顧泌字民表四川成都人正德進士任豐城知縣有才具

豐城縣志

卷九

名宦

七

嘗積粟至四萬石水旱發廩減價以糶秋成糴還民賴以濟逆濠要索悉禁絕之及叛欲加兵于豐泌緝斬從逆者四十八人以徇極力備禦境得安首發其變于巡撫王守仁又率兵從討有功陞大理寺丞轉少卿

潘穎字叔愚寧海人嘉靖進士豐城知縣性敏決下車積案牘吏不可舉一日盡決堂下無稱寃者修學宮浚河道剔奸釐弊四境皆頌聲陞南京稽勳司主事召對超擢郎中

柴璘字孟璘餘姚舉人正統時任豐城教諭博學多識嘗纂修邑志鑄饌鐘爲勒銘詞

鄭嘉字謀遠龍溪人由鄉魁任教諭教士有方增廣學舍  
陞國子助教

周鳴鶴蘇州吳縣人宏治間由歲貢任訓導碩德博學獎  
掖寒峻士多推服卒官囊篋蕭然

商大節字孟堅鍾祥人嘉靖進士知豐城縣縣城圯力爲  
修築境內多盜設法捕獲幾盡擢兵科給事中累官巡  
撫都御史隆慶初贈兵部尙書諡端愍

韓弼字汝良浙江餘姚人嘉靖進士知豐城縣聽政多奇  
蹟有醉人人酒肆遺金醒忘其處詣告曰禱神得筊一  
陽三聖卽批拘酒戶楊勝三人審果得其人訊得寔人

豐城縣志

卷九

各宦

八

稱神明陞本府知府奉檄城豐民受役不擾三月城成  
適閩廣寇至邑恃無恐士民德之詳城豐記陞本省提  
學副使豐鑄去思碑歲祀之報功祠子祁任贛州府推  
官過豐父老猶依依不忍其去

王天性字則衷揭陽人由舉人任本府通判攝豐篆值平  
豐堤決躬相地勢移馬湖實地僉工分築至今賴之祀  
名宦

曹大川巴縣人由進士授豐城知縣年甚少視事老練不  
肯剝民徇當道歷刑部主事員外郎祀名宦

顧九思字與容長洲人隆慶進士任縣事邑有劇盜盤踞

山谷爲民害前令莫敢治九思至請上官假兵往捕入賊巢縛其魁衆皆羅拜諭以禍福禮義悉釋之舉天下廉能第一擢戶科給事中歷右通政

吳達可字安節宜興人萬曆進士知縣事士民歌思建祠祀之累官至通政爲名臣

湯兆京號質齋宜興人由進士任縣事蒞政三月弊蠹清肅以興起學校自任爲多士所推時邑多盜摘發如神著有仁政錄擢御史士民祠之東關外

徐揚先號南高江寧人由進士任萬安調豐到任署于庭曰門庭清似水案牘重如山諸勢豪憚之訟大小立剖

豐城縣志

卷九

各宦

九

尤加意堤壩馬湖熊坊諸堤至今利賴豐賦重役繁胥吏爲奸揚先稔其弊搜剔一清民無逋負奏最擢御史累官太僕卿

張昌辰字漢明臨海人萬曆進士任豐城知縣邑多世族巨宦播虐細民昌辰下車廉得尙書某侵占民舍旁隙地又僉憲某歛債入民子女卽詣撫按白其事下昌辰勘問據律定案諸貴俛首無辭豪右爲之歛跡

浙江志增

馮起綸號弓間浙江慈谿人由進士知豐城政尙寬大尤屬意學校立寶氣樓劍閣二社甲子鄉榜元魁及諸得雋皆所造士距治三四里曰細彩灣有檠樟橫截河流

歷歲壞舟商旅苦之居民募健夫百餘人挽不能起綸  
禱武當行宮越日雷雨大作挈至高岸人謂至誠感神  
累官江西按察使祀名宦又祠西關外

謝文龍號橋東瓊山人由進士任縣事至之日隣有流寇  
文龍募兵措餉寇聞不犯境丙子歲大饑捐俸倡好義  
者民多全活先是漕南米立三倉一在劍江驛前日便  
民倉一在小北門外日鄆家倉一在河西曲江磯上日  
西倉歲久便民鄆家二倉壞擇地便收兌者合建小東  
門外厲壇之右日永便倉宏厰堅固國賦賴焉又建大  
江口石橋新解字闢操場峙糗糧立義塚皆實力爲民

豐城縣志

卷九

名宦

十

生地方計在任九年清操如一日卒士民祀其主于龍  
門書院

孫應嶽號游美大庾舉人署學事有偉度不屑屑贊幣士  
好學者引爲忘年友師事徐匡嶽講止修之學暇時同  
邱見南雷瀛海諸公詩酒廢和著有前後金陵攬勝稿  
累官刑部司務

徐際旦號宇白永豐舉人署學事性醇謹步趨不踰尺度  
課士寒暑無間嚴禮法不責餽遺士有貧者間分俸賙  
之尋登進士授浙江仁和知縣

國朝

何士錦字晝生江南建德人以進士知豐城時流亡未集  
士錦多方招撫民以底定繕城築堤興學編甲諸務次  
第就理重纂邑志條例秩然旋以績報歷太原知府  
周光斗浙江海寧人工制舉業由進士任豐性慈祥民有  
訟于庭者款曲開導若老嫗之于弱子偶有敲朴意慘  
慘不快暇卽招士子命題課文品隲無爽戊子鄉試獲  
雋五人俱所造士時與分校閱五經卷獨持閣學臨川  
李紱文歎曰此命世才也力薦得元嗣以奏銷議罷士  
民助金千餘代補乃得歸籍

王履仁號漱園江南江都人康熙進士謁選得豐城精明

豐城縣志

卷九

名宦

十一

果斷杜絕苞苴奸胥不得逞決獄訟尤善以諧語鉤人  
隱情士民至今樂道之

周尙中字緘安吉水人學問淹洽和易近人爲邑司訓勤  
於考課問業者趾相接冷署因之而熱

劉象賢號思庵金臺人由進賢調知豐城值五水泛漲熊  
坊諸堤決象賢設法修築役以身先義學久廢慨然興  
復清侵牟間田租六百餘石入龍山書院爲督課獎賚  
貲有亂民自浙歸以術煽衆事覺鄰省移文會武弁往  
捕象賢收首從數人置法開釋無辜全活甚衆

高尚禮山西太原舉人乾隆三年由南昌調署縣事公廉

明幹每月親詣學以文酒招諸生會課徵收嚴革火耗拆封日庫吏進短封戶名請勾取尙禮笑曰此中豈無羨餘足均補者奈何以分釐故擾吾民耶不許獄經數年未結者旬月判決殆盡人頌神明先是縣胥多枉法婪賄尙禮痛懲之有余隸者尤橫暴因事斃之杖下合邑稱快代至卸政邑有清官離任赤子失哺之謠去日祖者以千計

滿岱字魯青號筠峯滿洲正白旗舉人任瑞金縣調繁蒞豐爲政尙寬大斷獄精明不妄鞭扑折節與士大夫交未嘗一語及私乾隆辛未水大漲館驛前堤圯民憂陸

豐城縣志

卷九

名宦

十二

沉侯請發帑修石堤建七星埽躬親指揮不辭勞勩壬申重修邑乘裁酌得體比去士民釀金餽米者相屬於道

于崇勅號滄巖山東新城舉人知豐城縣明粹有學識倡建龍山書院置學田四百餘畝爲膏火資嚴立課程親爲講授尤加意單寒多士至今尸祝之